



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Ut deceat, servos ijsdem cum Domino moribus esse.

[urn:nbn:de:hbz:466:1-47123](#)

patientiam, nostrâ imitatione exprimendam. Unde ibidem S. Chrysostomus: Quomodo autem fuerunt (quærit) imitatores Christi? móxq; ita respondet: Quoniam ipse quoque multas sustinuit persecções, sed gaudebat. Lubens enim & suâ fônte eō veniebat. Propter nos se ipsum exinanijt, erat confundendus, colaphos passurus, in crucem agendus; & adeò gaudebat hac patiens, ut Patri diceret: Glorifica me, &c.

At ne amplius immorer in re tam comperta ac manifesta: id unicum restat videlicet, ut hoc exemplo informati (quod quidem nos admonet, eadem confirmans S. Ambro-*In psal. 37.* fius) gaudemus in passionibus nostris, sicut & Christus gaudebat in suis; & quas ille suscepiebat pro servulis, nos subeamus pro Domino: adimplentes (ut ibidem addit) quæ defunt tribulationum Christi, & passionum nostrarum perseverantiam latificantes. Verum id exactius proximo capite tractandum est.

CAPVT VI.

Quàm congruens sit in adversorum tollentia, eosdem nos cum Domino nostro sensus habere.

§. I.

Vt deceat servos iisdem cum Domino moribus esse.

EX his, quæ modò, de summo ardore patiendi, & de gaudio, quo inter patiendum affectus fuerit Redemptor noster disserimus; primum est effici, quàm nos ejus servos convenient, tribulationes pro Christo non refugere, aut cùm etiam in eas inciderimus (ex Jacobi Apostoli monito)

Jac. 1. to) omne gaudium existimare. Nam si (ut hoc pergam)
 Depat. c. 3. cum Tertulliano loco suprà laudato dicere) probos quaque
 servos & bone mentis, pro ingenio Dominico conversari vidi-
 mus; hoc est, ad Dominorum ingenium se fingere, in eis
 mores atque instituta transire: quantò magis (subdit) nos fi-
 cundum Dominum moratos esse oportet? ijsdem scilicet cum
 Rom. 13. Domino Iesu moribus esse, ipsius indolem, sensa, affectu,
 atque (ut Paulo loqui placuit) ipsum JESUM Christum in-
 duere.

Sed quando divinæ patientiæ fulgorem illum agri-
 stinet, eāmq; veluti humanā majorem imitatione, nolam
 suspectat infirmitas: videamus, si fortè eandem in Sandi-
 rum exemplis quasi refractam ac temperatam familiaria
 ferre, morēsq; Dominicōs, si non in ipso Domino, at saltem
 in conservorum vita luculenter expressos, imitando con-
 qui non valeamus.

Atq; ut hinc ordiar, annon secundūm Dominum mo-
 rati erant servi illi; qui (uti in Actis Apostolorum legimus)
 ibant gaudentes à conspectu concilij, quoniam digni habiti sunt
 pro nomine IESU contumeliam pati? E quorum numero spe-
 ciatim Beatus Andreas, dum ardore patiendi, ad crucis speculum exclamat: ô bona Crux! eāmq; post exornat laudi-
 bus, tam blandè ac dulciter appellat: facit utique pro inge-
 nio Dominico, & probum se servum ac bonae mentis ostendit,
 eadem cum Domino mentem habens, eadem amans,
 eadem cupiens, postremō ijsdem etiam gaudens. Vide enim,
 uti ex Domini sui imitatione, crucis desiderio & ipse consti-
 tetur & astuet, & ejus complexum etiam impatienter re-
 quirat. Nam, ô (inquit) diu desiderata, sollicitè amata, sors
 intermissione quaesita, & aliquando concupiscenti animo prop-
 rata; accipe me, &c. Et rursum: Securus & gaudens veni
 ad te, ita ut & tu exaltans suscipias me, discipulum ejus qui pe-
 pendit in te: quia amator tuus semper fui, & desideravi ore
 pluli

plette te. Diceres illum amore crucis deperire, & cupidè in ejus involare amplexus, tanquam Sponsæ desideratissimæ, & cuius pridem decorē captus sit; quia (ut ipse ait) decorē ac pulchritudinem de membris Domini suscepere, & divini ejus cruxis guttis, velut totidem margaritis, respersa atq; ornata sit.

Sed vide ut Paulum in suis pro Christo tribulationibus exultantem describit S. Joannes Chrysostomus: *Ita Beatus quoque Paulus (inquit) ante reposita bona, in molestijs sibi pro Hom. de o- pter Christum irruentibus gaudebat, clamabatq; dicens: Gau- rat. Anne- do in passionibus pro vobis. Et iterum: non solum autem, ve- rūm & gloriariamur in tribulationibus. Et rursum: Quoniam nobis donatum est à DEO, ut non solum in eum credamus, sed etiam pro eo patiamur. Etenim gratia verè maxima, dignum censeri propter Christum aliquid pati, & corona verè perfecta, & merces futurā retributione non minor. Et hoc nōrunt (sub- dit Chrysostomus) qui legitimè ferventēg; Christum diligere sciant. Et alio in loco: Ad eundem modum Beatus quoque Hom. in Paulus, cùm densos quasi nivium globos quolibet die in se irru- z. Cor. entes persiceret, hanc secus acsi in medio Paradiſo degeret, ita gaudebat & exultabat. Hæc omnia Chrysostomus.*

At in ipsa Christi discipulorum schola eruditus S. Ignatius; dum nihil eorum quæ videntur ultra requirens, uno illo ardor desiderio, ut ignis, crux, bestie, confractio ossium, Ep: ad Rom: membrorum divisio, & totius corporis contritio, & tota diaboli tormenta in se veniant (ita enim ardens ille passionum Christi amator loquitur) nonne agnoscitur de ista esse familia, inter probos servos rectè educatus; verbo, Domini sui moribus moratus? In cuius sensa & ingenium sic penetrārat, ut diceret: se demum incipere Christi esse discipulum, cùm ardentia illa, atrocia quæque patiendi, desideria in se experiretur. Porrò sicut eadem cum Domino suo desiderabat; ita iisdem cum illo oblectabatur. Vnde illæ voces:

N n n

Uti-

*Utinam fruar bestijs mibi paratis! neque enim, opinor, mi
frui dicimus, nisi his quæ possidemus cum gaudio, scru
quorum usu voluptatem aliquam, cāmq; non mediocrem,
capimus.*

Denique, ut ævi posterioris aliquem, secundum D^a,
minum, moratum Christi servum proferam: nōnne ad Do
mini sui gustum sese accommodārat Beatus Laurentius: qu
cū ob oculos immanis illa & horrifica tormentorum sp
cies atque apparatus ad terrorēm proponeretur: *Inflatiō
jebat ad Tyrannum) has epulas ego semper desideravi. live ut
in Luc: 6,12. eum loquentem inducit noster Cornelius: Hanc mendac
appeto, hanc sitio. Non est famelicus, qui escam; nec fū
ens, qui potum desideret tam avidè; quam ego hac omnia
tormenta ambo ac sitio, ut amorem amori, dolorem dol
ri, mortem morti rependam Jesu meo.*

Nimirum & huic summa votorum erat, ipsis exstutis
doloribus, & ex Domini sui gusto, voluptate patientiis
ginari. Quodjam minimè necesse sit Sanctorum Martyrum
plures proferri; de quibus ita generatim loco modò laude
to Chrysostomus: sed tamen quæ vel auditu intollerandis
(ait) ea ob gaudium illud quod divinitus concipiatur, colentur
atque experenda sunt. Ac si à ligno vel à sartagine, nūnq
ad huc spirantem Martyrem eduxeris, tantum gaudium intelli
tum reperies, quantum ne verbis quidem ullis exprimi posse.
Quod equidem non de eo tantum intelligo gaudio, quod
de spe mercedis atq; retributionis inter ipsa tormenta con
ciperent; sed de eo quoque, quod de ipsis tormentis capi
bant, ex hoc quod per illa (secundum S. Petri dictum) pell
onibus Christi communicarent: quod illi quidem præmis
maximum, atque (ut est sanè S. Joannis Chrysostomi fer
tentia) mercedem cœlesti retributione non minorem, ex
stimarent...

Atque iste fuit spiritus Christi Crucifixi: hic eorum
sensus

sensus, qui sese altius in ejus intima penetrarunt, & (Apostoli phrasí) sensum Christi habuerunt. Ut vel hinc valeas, mi Lector, experimentum capere, num inter ejus servos aliquo loco sis, aut in ejus schola aliquousq; profeceris; vide-
1. Cor. 2.
licet, si pati ames, si conterni, vexari & affligi cupias, de-
dum si communicans Christi passionibus, gaudeas. *Si quis*
auem spiritum Christi non habet (inquit Christo concrucifi-
xus Apostolus) hoc est: si quis in se non sentit ac experitur
eosdem sensus, affectus, studia, quae Christus in se habuit
& fecutus est; hic non est ejus; ad ipsum propriè non perti-
net; non est in servis aut discipulis ejus numerandus. Quòd
si Christi non sumus, cujusnam erimus? Ah! quando tan-
dem Christi esse servi & discipuli incipiems?

§. 2.

*Per honorificum esse servo, Domini sui vestibus atq;
Insignibus indui.*

AD hæc quæ dixi confirmanda, accedit & ista considera-
tio. Nam cùm ita usū comparatum sit, ut nobilium aut
magnatum famuli, certum seu colorem, seu modum vestis
habeant, quo insigniti, de eorum esse familia intelligantur:
ita in re præsenti censendum est, hoc esse certum ac pro-
prium familiarium Christi insigne sifferre libenter adversa.
Proinde, ut illi qui in Regis aut Principis viri famulatu-
funt, gloriari solent eorum notis & insignibus, præsertim si
ipsos Principes ijsdem uti ac delectari videant: ira nos opor-
tet, cum illo fidelis Christi servo, gloriari in cruce Domini,
& placere nobis in infirmitatibus nostris, in contumelijs,
Gal. 6.
in necessitatibus, in persecutionibus, in angustijs pro Chri-
sto: quòd istam sciamus esse certam notam, ac velut vestem
familia Christi propriam, quam & ipse sibi circumdederit,
paupertate nostrâ ac miserijs sese involvens, non jam lumi-
2. Cor. 11.
N n n 2 ne